

FOSTERING EQUITY ME EXCELLENCE REN EMON ME EMON CHON KAEO

Oregon aa mwuchen epwe amwonata emon me emon ekkewe chon kaeo fiti ar kewe tipachem me sinei ren ar repwe tongeni feioch mwirinon high school. An Oregon ewe statewide assessment non English Language Arts (ELA) me Mathematics iwe ir mi fiti an Oregon ewe State Standards me awora ngeni ekkewe chon sukun ren grade 3-8 me 11, fiti ar kewe famini, ren mamarin non sukun me ar pwisin maar.

AN OREGON EWE STATEWIDE ASSESSMENT...

- ...aa foruta seni ekkewe chon kait non Oregon me unusen ekkewe ekkoch states
- ...pesei noumw ewe epwe ekekiek me an epwe pwan tongeni angei an ewe sinei aa aea non ekkoch kinikinin metoch
- ...esapw chok nomw won multiple choice nge epwe pwan nuseni ena iwe ka eisini noumw na epwe awewei penuwan kewe
- ...kopwe kan wisen sassingi ukukun maarin noumw ewe kopwe pwan ekieki ekkoch tichikin porous ren omw kopwe tongeni sinei aa ifa etikin an noumw na sinei non sukun
- ...anisi ekkewe sukun me district repwe tongeni katon ukukun an ar kewe systems ren kait me kaeo, pwan tongeni ar repwe esina ekkewe groups ren chon sukun ren ukukun ar sinei ika ir mi pwan tongeni epwe kawor ngenir ekkewe aninis ika pwe ar kaeo esapw naf
- ...anisi ekkewe communities weweiti aa ifa ukukun eochun ekkewe public schools

TICHIKIN POROUSEN OMW PWUNG

Ennukun Oregon (ORS 329.479) mi mwut ngeni ekkewe iin me sam/guardians me ekkewe chon sukun ra watte* an repwe tou seni ika opt-out seni an Oregon ewe statewide assessment non English Language Arts (ELA) me/ika Mathematics kopwe wanong ei taropwe ika form ngeni ikkewe ie ewe chon sukun ee kan susukun ie. Ekkewe sukun repwe awora ngeni ekkewe iin me sam ekkewe taropwe ukuun 30 ran mwen epwe pwoptwuta ewe test.

Pwata mi euehea an nei ei epwe fiti metoch?

An noumw na epwe angei fan ew ewe assessment iwe ese tongeni epwe unus sassingin an noumw ewe progress, ika pwe noumw ewe ee angei ewe statewide assessment iwe mi tongeni epwe awora ngeni ekkewe chon kait me ekkewe administrators ekkewe porous ren repwe ifa usun ar repwe tongeni sinei ika mi eoch ar kewe angang ika mi pwan or metoch repwe ekkesiwini ika ekkoch metoch repwe fen pwan apachata me nukun ekkewe aa fen kawor. An noumw na epwe pwan fiti ei metoch iwe mi fokkun euehea pwe ee fori met ekkewe sukun me districts ar repwe tongeni kuna met ekkewe nour kewe chon sukun rese tongeni, iwe pwan tongeni kuna ukukun ar maar.

Inet nei na epwe angei ena test?

An noumw ewe nenien sukun iwe ina repwe wisen finata inet atun noumw ewe epwe angei ekkewe assessment atun ewe statewide testing window.

STATEWIDE TESTING WINDOW

Ewe statewide testing window ren English Language Arts me Mathematics mi apply ngeni me ruu ewe general me alternate statewide summative assessments.

Grades 3-8	Grade 11
03/31/2026 — 06/12/2026	02/03/2026 — 06/12/2026

OMW KOPWE SINEI POROUS

Teta won an Oregon ewe Starting Smarter webpage (<https://or.startingsmarter.org>) ren omw kopwe sinei tichikin porousen met noumw ewe epwe sinei me epwe tongeni fori non English Language Arts me Math, ren omw kopwe katon ekkewe samponun assessment ren ekkewe kapas eis, me ren omw kopwe aneani an noumw ewe test results. Kokori noun noumw ewe semirit ewe sense ika ewe principal ika pwe mi or omw kapas eis.